



REPUBLIKA E SHQIPËRISË

KËSHILLI I QARKUT KORÇË

V E N D I M

Nr. 17 Datë.10/07/2025

MBI MIRATIMIN E PROGRAMIT BUXHETOR AFATMESËM PARAPRAK 2026-2028 PËR KËSHILLIN E QARKUT

Në mbështetje të Ligjit 139/2015 “Për vetëqeverisjen vendore”, neni 77, Ligjit Nr.9936, dt.26.06.2008 “Për menaxhimin e sistemit buxhetor në Republikën e Shqipërisë”, i ndryshuar, Ligjit nr. 68/2017 “Për financat e vetëqeverisjes vendore”, Udhëzimit nr. 23 date 30.07.2018 “Për procedurat standarte të përgatitjes të PBA të njësive të vetëqeverisjes vendore”, Udhëzimit të Ministrisë të Financave nr.8 dt.28.02.2025 “Për përgatitjen e Programit buxhetor afatmesëm vendor 2026-2028, Ligjit “Për buxhetin e vitit 2025”, Udhëzimit rr 7 datë 25.02.2022 “Për një ndryshim në Udhëzimin nr. 23 datë 30.07.2018, me propozim të Kryesisë, Këshilli i Qarkut Korçë

V E N D O S I

1. Të miratojë dokumentin paraprak të Programit Buxhetor Afatmesëm 2026-2028 për Këshillin e Qarkut Korçë, të përgatitur sipas Sistemit të Menaxhimit të Buxhetit Vendor(SMBV).
2. Të miratojë relacionin shpjegues për procesin e përgatitjes së dokumentit paraprak të PBA 2026-2028.
3. Për zbatimin e këtij vendimi ngarkohet Grupi i Menaxhimit Strategjik dhe Ekipet e menaxhimit të programeve, si dhe gjithë administrata e Këshillit të Qarkut.
4. Ky vendim hyn në fuqi pas konfirmimit të Prefektit.

KRYETARI
Erjon Nexhipi

NË MUNGESË DHE ME URDHËR

ZV/KRYETARI

Mimoza Shuli

Miratuar me 16 / Vota
Vota Pro 16 / Vota
Vota Kundër 0 / Vota
Vota Abstenim 0 / Vota
Zbardhur më datë 10/07/2025


Konceptoi O. Beqiraj
Juristi M.Bylykbashi
Sek. K. Qarkut B. Muço



SHTOJCA 2

Struktura e Dokumentit së Programit Buxhetor Afatmesëm Vendor, 2026-2028
Relacioni i përgatitjes të Programit Buxhetor Afatmesëm vendor 2026-2028, paraparak

Këshilli i Qarkut Korçë



KËSHILLI I QARKUT KORÇË

PROJEKT DOKUMENTI

PROGRAMI BUXHETOR AFATMESËM 2026 - 2028

Maj 2025

PËRMBAJTJA

LOGO	2
1. HYRJE	5
1.1 ROLI DHE QËLLIMI I PROGRAMIT BUXHETOR AFATMESËM, SI NJË INSTRUMENT EFEKTIV PLANIFIKIMI NË NIVEL VENDOR	5
1.2 FAZAT E PËRGATITJES DHE MIRATIMIT TË PBA-SË	7
2. VËSHTRIM I PËRGJITHSHËM I BASHKISË (1-2 FAQE)	9
2.1 SITUATA E NJËSISË SË VETËQEVERISJES VENDORE	9
2.2 ÇËSHITJE KRYESORE PËR PROJEKTET DHE POLITIKAT E BASHKISË / KËSHILLIT TË QARKUT	10
3. ORIENTIMI AFATGJATË I BASHKISË / KËSHILLIT TË QARKUT (1-2 FAQE)	12
3.1 STRATEGJIA E ZHVILLIMIT AFATGJATË	12
3.2 SFIDAT KRYESORE TË ZHVILLIMIT / PARAQITJA E PROJEKTEVE KRYESORE – ARSYET DHE PËRFITUESIT	12
4. BUXHETI AFATMESËM I BASHKISË/QARKUT [EMRI] 2025-2027	14
4.1 TË ARDHURAT DHE SHPENZIMET PUBLIKE TË BASHKISË/QARKUT [EMRI] NË VITET 2025-2027	15
4.1.1 Të ardhurat e parashikuara të Bashkisë/Qarkut [EMRI] për vitet 2025-2027	15
4.1.2 Plan i shpenzimeve të Bashkisë/Qarkut [EMRI] për periudhën 2025-2027	20
4.2 INVESTIMET PUBLIKE NË NIVEL VENDOR	24
5. BUXHETI AFATMESËM PËR PROGRAMET BUXHETORE	25
5.1.1 Qëllimet dhe Objektivat e Politikës së Programit	25
5.1.2 Plan i shpenzimeve të Produkteve të Programit	26
5.1.3 Projektet e Investimeve të Programit	Error! Bookmark not defined.
5.1.4 Informacione Bazë mbi Programin	Error! Bookmark not defined.
6. BUXHETI VJETOR	32
6.1. DOKUMENTACIONI BAZË	32
6.2. DOKUMENTACIONI SHOQËRLES	32

Lista e Tabelave

Tabela 1. Informacione Bazë mbi Bashkinë/Qarkun [EMRI I BASHKISË/QARKUT]	14
Tabela 2. Të Ardhurat e Bashkisë sipas Burimit	15
Tabela 3. Shpenzimet totale të Bashkisë sipas kategorive ekonomike	20
Tabela 4. Shpenzimet totale të Bashkisë sipas programit dhe kategorive ekonomike	Error! Bookmark not defined.
Tabela 5. Shpenzimet e NJVQV sipas Klasifikimit Funksional (Niveli I, II, III i CCOG)	22
Tabela 5. Shpenzimet e Programit sipas Kategorive ekonomike	25
Tabela 6. Qëllimet dhe Objektivat e Politikës së Programit	26
Tabela 7. Planet e shpenzimeve të Produkteve të Programit	26
Tabela 8. Projektet e Investimeve të Programit	Error! Bookmark not defined.
Tabela 9. Informacione bazë mbi Programin	Error! Bookmark not defined.

Lista e Shkurtimeve

PBA	– Programi Buxhetor Afatmesëm
NJVV	– Njësi e Vetëqeverisjes Vendore
EMP	– Ekipi i Menaxhimit të Programit
GMS	– Grupi për Menaxhimin Strategjik
MF	– Ministria e Financave
FPT	– Instrumenti i Planifikimit Financiar
INSTAT	– Instituti i Statistikave
PBB	– Produkti i Brendshëm Bruto
SMBV	– Sistemi i Menaxhimit të Buxhetit Vendor

1. HYRJE

1.1 Roli dhe Qëllimi i Programit Buxhetor Afatmesëm, si një Instrument Efektiv Planifikimi në Nivel Vendor

Programi Buxhetor Afatmesëm (PBA) është një instrument për prezantimin në mënyrë të integruar e disavejcare të parashikimit të të ardhurave dhe burimeve financiare publike dhe për planifikimin, menaxhimin dhe lëvrimin e shërbimeve publike. Si i tillë, ai është një komponent kryesor i planifikimit kombëtar dhe vendor.

Strategjia Kombëtare e Zhvillimit, Strategjitë Sektoriale dhe Planet e Përgjithshme Vendore shpjegojnë atë që qeveria synon të arrijë në fushat kryesore të ofrimit të shërbimeve, cilat struktura të qeverisë do të përfshihen dhe si do të ndërveprojnë me organizatat e sektorit privat dhe aktorë të tjerë joqeveritarë. Si të tilla, ato përshkruajnë mënyrën sesi qeveria synon të zhvillojë komponentët kryesorë të ofrimit të shërbimeve, investimet kryesore publike që do të kërkojnë dhe implikimet përkatëse për nivelin dhe llojin e shërbimeve publike që do të ofrohen. Aspekti strategjik i këtyre dokumenteve i jep formë kërkesave për shpenzime për investime publike si dhe për ofrimin e shërbimeve gjatë periudhave disavejcare.

Ashtu si edhe nivelet e tjera të qeverisjes, Njësitë e Vetëqeverisjes Vendore (NVQV-të) janë përgjegjëse për menaxhimin e fondeve publike. Kjo përfshin mbledhjen e taksave dhe tarifave vendore dhe menaxhimin e burimeve kombëtare që transferohen në bashki nga qeveria qendrore, disa prej të cilave kushtëzohen për shërbime specifike. Kjo do të thotë se kërkohet një instrument për të projektuar burimet e përgjithshme të disponueshme për shpenzimet vendore, duke përfshirë këtu: grantet, huatë, taksa e tarifat vendore dhe transferime nga qeveria qendrore (të kushtëzuara dhe të pakushtëzuara).

Njësitë e vetëqeverisjes vendore ofrojnë shërbime publike vendore bazuar në kompetencat që u jep ligji. Si rrjedhojë, kjo kërkon një instrument për të lehtësuar dhe menaxhuar mënyrën e përdorimit të burimeve gjithsej, duke përfshirë vendimet për llojin e shpenzimeve (pagat dhe sigurimet; mallrat dhe shërbimet, interesat e borxhit, ripagimi i huave dhe kështu me radhë), si dhe vendimet strategjike se si do të alokohen burime midis llojeve të ndryshme të shërbimeve publike (sigurisë publike, arsimit, shëndetësisë, punëve publike dhe kështu me radhë).

Procesi i PBA-së, prezanton në mënyrë të integruar informacionin mbi parashikimet e të ardhurave dhe burimeve gjithsej dhe përcakton objektivat përse do të shpenzohen atë, kostot e nevojshme dhe llojin e secilit shërbim që do të ofrohet. Ndër të tjera, kjo përfshin lidhjen e qëllimeve dhe objektivave të bashkisë me qëllime strategjike të përcaktuara në strategjitë lokale dhe kombëtare. Procesi i PBA-së, disiplinon maturinë financiare vendore duke planifikuar shpenzimet publike brenda një kuadri realist financiar vendor. Në të njëjtën kohë, ai synon të garantojë që shërbimet publike vendore plotësojnë nevojat në rritje të banorëve duke treguar se si shpenzimet publike për prioritetet strategjike të zhvillimit të njësisë vendore përkthehen në vendime konkrete për ofrimin e shërbimeve publike vendore, me lidhje të qarta mes politikave vendore dhe prioritetëve vjetore të shpenzimeve.

Në procesin e PBA-së planifikimi dhe buxheti vendor afatgjatë e ndihmon njësinë vendore të planifikojë sesi shërbimet publike do të evoluojnë me kalimin e kohës, duke përcaktuar kërkesat disavjeçare të shpenzimeve në fusha të ndryshme të ofrimit të shërbimeve në përputhje jo vetëm me ndryshimet e parashikuara në demografinë, por edhe në përputhje me ndryshimin e nevojave të banorëve të bashkisë. Kombinimi i këtij informacioni me parashikimin për nevojat dhe burimet në dispozicion në të ardhmen, u mundëson njësinë vendore që të planifikojnë shërbime publike në mënyrë të qëndrueshme, si dhe të zhvillojnë një kuadër afatmesëm të burimeve si bazë për planifikimin afatmesëm të shpenzimeve.

Gjithashtu, procesi i PBA-së siguron një kornizë për planifikimin e investimeve publike sipas programeve buxhetore duke përfshirë edhe kërkesat për shpenzimeve korente. Kjo siguron një bazë të fortë mbi të cilën mund të merren vendimet për investime, të lidhura me planet strategjike dhe planet afatmesme për zhvillimin e shërbimeve të ndryshme publike që njësinë vendore ofron për banorët.

Në mënyrë të përmbledhur Programi Buxhetor Afatmesëm përshin këto procese:

- prezanton informacionin mbi të ardhurat dhe burimet e disponueshme të bashkisë;
- përkthen vizionin strategjik të NJVQV-së në plane praktike për ofrimin e shërbimeve gjatë një periudhë disavjeçare;
- shpërndan burimet sipas fushave të veçanta të ofrimit të shërbimeve publike,
- përcakton treguesit e performancës në secilën fushë të ofrimit të shërbimeve;
- llogarit kërkesat vjetore të shpenzimeve (korente dhe për investime) në përputhje me objektivat dhe treguesit e performancës për një periudhë disavjeçare; dhe
- përcakton treguesit vjetorë të performancës në përputhje me parashikimet për burimet në dispozicion përgjatë një periudhë disavjeçare.

Në qendër të PBA-së janë dy procese planifikimi dhe buxheti që NJVQV-të ndërmarrin për të planifikuar treguesit e performancës dhe shpenzimet afatmesme, si dhe propozimet për buxhetet vjetore:

- Përcaktimi i Qëllimeve dhe Objektivave të Programit (nëpërmjet Rishikimit të Politikës së Programit);
- Planifikimi i Shpenzimeve të Programit (në funksion të ofrimit të shërbimeve).

Procesi i *Rishikimit të Politikës së Programit*, synon të specifikojë qëllimet, objektivat e programit, standardet (ndërkombëtare ose shqiptare), si dhe treguesit e performancës të lidhura me ato në terma SMART¹. Ky informacion konsiston në rezultatet e dëshiruara dhe të matshme nga veprimet e NJVQV-së, të cilat duhet të arrihen në periudhën afatgjatë² (Qëllimet e Politikës së Programit), si edhe arritjet e dëshiruara në periudhën tre-vjeçare³, sasitë e produkteve (shërbimeve publike) dhe kostot respektive për arritjen e Objektivave të Programit (që janë hapa të ndërmjetëm për arritjen e një Qëllimi të Politikës së Programit). Të gjitha shpenzimet e NJVQV-së duhet të kontribuojnë në mënyrë direkte dhe integrale në arritjen e Objektivave të Programeve të saj.

¹ Specifike, Matshme, Arritshme, Rëndësishme, Terma Kohore.

² 'Afatgjatë' i referohet një kohe të specifikuar nga Drejtuesi i Programit, që shkon përtej periudhës 3-vjeçare të programit buxhetor afatmesëm.

³ Për tu specifikuar për secilin vit të periudhës 3-vjeçare të programit buxhetor afatmesëm.

Procesi i *Planifikimit të Shpenzimeve të Programit*, synon të përcaktojë sasinë dhe koston e të gjitha shërbimeve publike që NJVQV-ja planifikon të ofrojë gjatë çdo viti të periudhës afatmesme, të shprehura në formën e produkteve SMART të programit. NJVQV-ja, specifikon produkte që sigurojnë arritjen e të gjitha Objektivave të Programit, Qëllimeve të Politikës së Programit si dhe standardeve e treguesve të performancës të lidhura me ato.

Si të tilla, proceset e Rishikimit të Politikës së Programit dhe Planifikimi i Shpenzimeve të Programit përfaqësojnë zemrën e procesit të PBA-së, dhe informacioni i gjeneruar nga këto procese paraqitet në mënyrë të detajuar në Seksionin 3, të dokumentit të PBA-së. Këto qëllime, objektiva, standarde dhe produkte përbëjnë kornizën e performancës për shërbimet publike të NJVQV.

Një element i rëndësishëm i procesit të përgatitjes së PBA-së është specifikimi i Treguesve të Performancës (SMART) për secilën fushë të funksioneve të bashkisë. Kjo përfshin planifikimin dhe kostimin e detajuar të treguesve të performancës brenda secilit funksion të qeverisjes vendore, si dhe prezantimin e këtyre treguesve për miratim tek vendimmarrësit dhe më pas për publikun e gjerë në formën e:

- Produkteve SMART, që specifikojnë në detaje shërbimet publike të planifikuara për t'u ofruar;
- Objektivave SMART të Politikës së Programit (dhe treguesve të performancës të lidhura me ato), që specifikojnë arritjet kryesore vjetore nga ofrimi i shërbimeve publike;
- Qëllimeve SMART të Politikës së Programit (dhe treguesve të performancës të lidhura me ato), që bashkia planifikon të arrijë në periudhën afatgjatë;
- Kostot totale të ofrimit të shërbimeve vendore, duke treguar se si njësi vendore planifikon të përdorë burimet në dispozicion;
- Kostot e planifikuara për produktet (shërbimet) individuale, në mënyrë që vendimmarrësit dhe banorët të kuptojnë efikasitetin e planifikuar në ofrimin e shërbimeve të veçanta.

1.2 Fazat e Përgatitjes dhe Miratimit të PBA-së

Udhëzimi Standart⁴ i PBA-së, përcakton kërkesat kryesore të procesit të PBA-së për NJVQV, si dhe kërkesat përkatëse për raportim brenda bashkisë apo tek qeveria qendrore. Aspektet kryesore të udhëzimit standart përfshijnë:

- Rolet dhe përgjegjësitë në procesin e përgatitjes së PBA-së për Kryetarin e NJVV-së, Këshillin e NJVQV, GMS, Zyrtarët Autorizues dhe Ekzekutues, Drejtuesit dhe anëtarët e EMP-ve, si dhe MF-së;
- Procedurat, fazat e ndryshme, kalendarin dhe metodologjinë për programimin dhe buxhetimin e bazuar në performancë në përgatitjen e PBA-së;
- Kërkesat e raportimit të programit buxhetor afatmesëm. Më konkretisht, kërkesat për të përgatitur dhe prezantuar: Misionin e njësisë së vetëqeverisjes vendore dhe strukturën e programeve; Deklaratat e politikës së programeve; Tavanet e njësisë së vetëqeverisjes vendore sipas programeve; Shpenzimet e programeve sipas artikujve; Shpenzimet e programeve sipas produkteve; Projektet me financim të brendshëm; Projektet me financim të huaj; Formatet plotësuese të kërkesave buxhetore; Projekt

⁴ Udhëzimi Nr. 23, datë 30.07.2018 i Ministrisë të Financave dhe Ekonomisë për "Procedurat Standarte të Përgatitjes së Programit Buxhetor Afatmesëm të Njësisë të Vetëqeverisjes Vendore", i ndryshuar.

planin e arkës, i cili dorëzohet në përfundim të fazës së dytë të përgatitjes së kërkesave buxhetore; Raportet e kërkesave shitesë (Kërkesat shitesë sipas produkteve; Kërkesat shitesë sipas artikujve buxhetor)

Udhëzimi Vjetor i PBA-së, përcakton kërkesat specifike për procesin e PBA-së në NJVQV duke përfshirë edhe kërkesa të veçanta për prezantimin e informacionit në këtë dokument. Aspektet kryesore të udhëzimit vjetor për Përgatitjen e PBA-së 2026-2028 përfshijnë:

- Afatet specifike për përgatitjen e dokumentit të PBA-së dhe Informacionin mbi transfertën e pakushtëzuar të përgjithshme dhe atë sektoriale për NJVQV-të;
- Procesin e përgatitjes së PBA, p.sh. proceset për përgatitjen e vlerësimit dhe parashikimit të të ardhurave; Tavanëve të përgatitjes së PBA-së; Organizimit të procesit; Pemës së programeve; Draft dokumentit të PBA-së;
- Sistemin e Menaxhimit të Buxhetit Vendor (SMBV) dhe Manualin e Përdorimit të tij.

Faza 1 e procesit të PBA-së, zhvillohet midis Janarit dhe Qershorit. Kjo është faza strategjike kur merren të gjitha vendimet kryesore për financimin e politikave dhe investimeve të reja. Kjo fazë përmbyllet me përgatitjen e projekt dokumentit të PBA-së, i cili përdoret nga NJVQV-ja për të realizuar alokimin strategjik burimeve midis programeve me qëllim përgatitjen e planeve afatmesme të shpenzimeve dhe buxhetit vjetor gjatë fazës teknike të përgatitjes së këtij dokumenti. Në fund të kësaj faze, dokumenti i PBA-së bëhet publik në faqen e internetit të NJVQV-ve për qëllime konsultimi, si dhe dërgohet në MF, brenda datës 1 qershor e cila përgatit komente dhe rekomandime.

Faza 2 e procesit të PBA-së, zhvillohet midis Korrikut dhe Shtatërit. Kjo është faza teknike gjatë së cilës ekipet e menaxhimit të programeve të njësisë vendore marrin vendimet përfundimtare mbi planet për ofrimin e shërbimeve publike gjatë tre viteve të ardhshme. Gjatë kësaj faze përfshihen vendimet mbi përmbajtjen e projekt buxhetit vjetor që do të paraqiten GMS të NJVQV-së. Në përfundim të kësaj faze, përgatitet një version i rishikuar i dokumentit të PBA-së, i cili përdoret nga NJVQV për të vendosur mbi detajet në lidhje me shërbimet publike që do ofrohen si dhe alokimin e shpenzimeve që do të bëhen pjesë e Buxhetit Vjetor. Dokumenti i Rishikuar i PBA-së bëhet publik në faqen e internetit të NJVQV-ve për qëllime konsultimi.

Faza 3 e procesit të PBA-së dhe Buxhetit Vjetor përfshikon periudhën nga tetori deri në muajin dhjetor kur NJVQV-ja, merrret me finalizimin e dokumentit të PBA-së, si dhe miratimin e Buxhetit Vjetor. Gjatë kësaj faze, GMS përgatit një version përfundimtar të PBA-së në përputhje me vendimet e Këshillit të NJVQV-së. Projekt buxheti Vjetor është viti i parë i Projekti Buxheti Afatmesëm dhe i paraqitet Këshillit të NJVQV-në për miratim (jo më vonë se data 30 nëntor) në një format standard (siç përcaktohet në Udhëzimin e MF). Një version përfundimtar i dokumentit të PBA-së (përfshirë Buxhetin Vjetor) publikohet dhe i vëhet në dispozicion publikut të gjerë përmes faqes së internetit të NJVQV-së

2. Vështrim i Përgjithshëm i Qarkut (1-2 faqe)

2.1 Situata e Njësisë së Vetëqeverisjes Vendore

Me urdhër të Kryetarit të Këshillit të Qarkut u ngrit grupi i punës, "Për Menaxhimin Strategjik (GMS)", për hartimin e dokumentit të PBA-së 2026-2028. GMS në punën e tij është mbështetur në kalendarin e hartimit të programit buxhetor afatmesëm 2026-2028, i cili është miratuar me vendim të Këshillit të Qarkut nr. 43 date 23.12.2024. Gjithashtu, me urdhër të Kryetarit u ngritën edhe ekipet e menaxhimit të programeve sipas udhëzimeve përkatëse. Sipas udhëzimeve të Ministrisë të Financave, Këshilli i Qarkut Korçë, në vitin 2026 do të fillojë të aplikojë metodologjinë e re në hartimin e buxhetit, dhe për pasojë edhe PBA-ja 2026-2028 do të hartohet sipas kësaj metodologjie ku Qarku do të operojë vetëm me një program buxhetor dhe do të ketë produktet sipas funksioneve që ushtron në veprimtarinë e tij. EMP-të për vitin 2025 u ngritën për të gjitha programet që operon Këshilli i Qarkut aktualisht, ndërsa nga viti 2026 e në vazhdim, do të ngrihet EMP-ja sipas strukturës të re buxhetore me 1 program të vetëm. Në sistemin SMBV është krijuar edhe EMP-ja për hartimin e projekt buxhetit afatmesëm 2026-2028.

Në zbatim të kalendarit për hartimin e PBA 2026-2028, ekipi për menaxhimin e programeve përgatiti dhe paraqiti për miratim tavanet përgatitore të shpenzimeve të Programit Buxhetor Afatmesëm në nivel programi. Këshilli i Qarkut Korçë me Vendim nr. 03 dt.21.03.2025 ka miratuar tavanet përgatitore për Programin Buxhetor Afatmesëm 2026-2028. Në këto tavane përfshihen të ardhurat nga granti dhe të ardhurat e veta të njësisë së vetëqeverisjes, pra nuk përfshihen transfertat e kushtëzuara dhe të ardhurat nga trashëgimi. Parashikimi për të ardhurat që do të realizohen nga Këshilli i Qarkut ka ndryshuar. Duke qenë se deri tani të ardhurat e realizuara nga kontributet e bashkive janë në nivele shumë të ulta, gjykojmë një tjetër formë për mbledhjen e tyre. Financimet që do të bëjë Këshilli i Qarkut për projekte të ndryshme në të mirë të komunitetit për të gjashta bashkitë pjesë e Qarkut, do të jenë në varësi të kontributit që bashkitë do të derdhin në Qark. Në këtë formë parashikohet të realizohet me sukses zëri i të ardhurave kontribute nga bashkitë.

Në këtë fazë të parë të PBA-së, tavanet totale të viteve 2026, 2027 dhe 2028 janë dukshëm më të ulët nga viti 2025 pasi viti 2025, ndryshe nga 3 vitet pasuese, përfshin edhe të ardhurat nga trashëgimi dhe gjithashtu në plan buxhetin e vitit 2025 kemi edhe 1 parashikim rreth 54.5 milion lekë si të ardhura që do të vijnë nga rimbursimet e shpenzimeve të kryera nga Këshilli i Qarkut për projektet e huaja të cilat kanë përfunduar. Mendohet se në fund të vitit 2025 Qarku do i arkëtojë të gjitha rimbursimet e shpenzimeve të projekteve të huaja të përfunduara.

Mbi bazën e vendimeve të mësipërme Grupi i punës ka punuar për përgatitjen e projekt dokumentit paraprak të Programit Buxhetor Afatmesëm 2026-2028.

Baza ligjore mbi të cilën është mbështetur puna e GMS :

- Ligji nr.139/2015 "Për vetëqeverisjen vendore"
- Ligji nr.68 /2017 "Per financat e vetqeverisjes vendore"

- Ligji nr. 9936 date 26.06.2008 "Për menaxhimin e sistemit buxhetor në Republikën e Shqipërisë" të ndryshuar.
- Udhëzimi i Ministrisë të Financave dhe Ekonomisë nr.23 datë 30.07.2018. "Për procedurat standarde të Programit Buxhetor afatmesëm të njësive të vetëqeverisjes vendore"
- Udhëzimi i Ministrisë të Financave dhe Ekonomisë nr. 97 datë 25.02.2022 "Një ndryshim në udhëzimin Nr.23 dt.30/07/2018" Për procedurat standarde të Programit Buxhetor afatmesëm të njësive të vetëqeverisjes vendore"
- Udhëzimi i Ministrisë së Financave nr. 8 date 28.02.2025 "Për përgatitjen e Programit Buxhetor Afatmesëm vendor 2026-2028"
- Vendimin e Këshillit të Qarkut nr.47 Date 23.12.2024 "Mbi miratimin e Programit Buxhetor Afatmesëm përfundimtar 2025-2027 për Këshillin e Qarkut"
- Vendimin e Këshillit të Qarkut nr. 03 dt.21.03.2025 "Mbi miratimin e tavanëve përgatitore për Programin Buxhetor Afatmesëm 2026-2028"
- Vendimin e Këshillit të Qarkut nr. 51 date 23.12.2024 "Mbi miratimin e buxhetit të Këshillit të Qarkut për vitin 2025"

Situata në të cilën operon Këshilli i Qarkut është një situatë normale. Gjithmonë planifikimi bëhet duke u mbështetur në burimet reale të të ardhurave të vetë institucionit si dhe një menaxhim i mirë i shpenzimeve në funksion të realizimit të aktiviteteve dhe programeve të planifikuara.

2.2 Çështje Kryesore për Projektet dhe Politikat Këshillit të Qarkut

Misioni i Këshillit të Qarkut Korçë është hartimi dhe zbatimi i politikave rajonale dhe harmonizimi i tyre me politikat e qeverisjes qendrore në plotësim të funksioneve të veta ligjore si dhe çdo funksion tjetër i dhënë me ligj. Këshilli i Qarkut ofron bashkëpunim dhe koordinim midis qeverisjes qendrore dhe qeverisjes vendore si dhe bashkëpunimin dhe koercimin e politikave midis njësive të qeverisjes vendore të rajonit. Ai ofron partneritet midis të gjithë partnerëve lokalë e rajonalë për pjesëmarrje në projekte gjithëpërfshirëse. Ai gjithashtu ofron partneritetin e tij edhe për pjesëmarrje në programet ndërkufitare të financuara nga Bashkimi Europian me synim zhvillimin ekonomik social të Rajonit dhe rritjen e cilësisë të shërbimeve për komunitetin.

Këshilli i Qarkut synon të jetë gjithmonë sa më afër nevojave të qytetarëve dhe të përmbushë misionin e tij në të mirë të komunitetit që përfaqëson.

Për këtë arsye ai ka rëndësi një sërë projektesh investimi apo projekte financimi për të gjitha Bashkitë e Qarkut. Këshilli i Qarkut ka qënë dhe do të vazhdojë të jetë mbështetje, sipas mundësive financiare që ka, për të gjitha nismat e Bashkive që i shërbejnë komunitetit, qofshin këto nisma investime apo dhe projekte të tjera sociale, kulturore etj. Për këtë arsye edhe buxheti i vitit 2025 u formulua mbi këto përcaktime. U vu fokusi te projektet që do të kenë një impakt rajonal në të gjithë Qarkun dhe që do të shërbejnë turizmit, kulturës, mbështetjes sociale të kategorive më në nevojë dhe zhvillimit të Rajonit në tërësi. Projektet që Këshilli i Qarkut do të

ketë në afatgjatë nuk mund percaktohen me saktësi, pasi janë gjithmonë në përgjigje të kërkesave dhe evidencimeve që vijnë nga ana e Bashkive të Qarkut.

Gjithashtu Këshilli i Qarkut Korçë është angazhuar maksimalisht edhe në programet ndërkufitare të financuara nga Bashkimi European, që prej vitit 2018. Angazhimi në këto projekte ka sjellë një sërë përfitimesh dhe rritje të cilësisë të shërbimeve për komunitetin, si psh projekti Save Water për menaxhimin e ujit të pijshëm. Nëpërmjet këtij projekti u ndërtuan edhe disa ujësjellës në disa fshatra të Qarkut Korçë. Projekti CLLD i cili fokusohet te trashëgimia kulturore e rajonit dhe zhvillimi i turizmit, projekti Waste React për menaxhimin e mbetjeve etj. Këto projekte u mbyllën në fund të vitit 2023, por Këshilli i Qarkut vazhdon të angazhohet maksimalisht për përfitimin e projekteve të tjera të financuara nga Bashkimi European dhe ka aktualisht disa aplikime të cilat presin të finalizohen.

3. Orientimi Afatgjatë i Këshillit të Qarkut

3.1 Strategjia e Zhvillimit Afatgjatë

Qarku i Korçës si njësi e nivelit të dytë të vetëqeverisjes vendore, përfaqëson një unitet administrativo-territorial, të përbërë nga 6 (gjashtë) bashki me lidhje gjeografike, tradicionale, ekonomike, sociale dhe interesa të përbashkëta. Kufijtë e qarkut përputhen me kufijtë e 6 (gjashtë) bashkive që e përbëjnë atë, kjo sipas Ligjit Nr. 115/2014 "Për Ndarjen Administrativo-Territoriale të Njësive të Qeverisjes Vendore në Republikën e Shqipërisë. Qendra e qarkut është në Korçë pjesë përbërëse e Bashkisë Korçë. Bashkitë përbërëse të Qarkut të Korçës janë: - Bashkia e Devollit - Bashkia e Kolonjës - Bashkia e Korçës - Bashkia e Maliqit - Bashkia e Pogradecit - Bashkia e Pustecit.

Këshilli i Qarkut siguron lidhjet e drejtpërdrejta me nivelin e dytë të qeverisjes vendore (Këshillit të Qarkut) dhe nivelin të parë (Bashkive) nën juridiksionin e tij, duke përfaqësuar në këtë mënyrë unitetin administrativo-territorial dhe interesat e përbashkëta të tyre.

Strategjia e zhvillimit afatgjatë të Qarkut është në varësi të strategjive të Bashkive pjesë e saj. Duke qënë se Këshilli i Qarkut ka një rol koordinues dhe harmonizues midis politikave të qeverisjes qendrore dhe vendore si dhe midis njësive të qeverisjes vendore të rajonit, synimi është zgjidhja e problematikave të përbashkëta në dobi të komunitetit.

3.2 Sfidat Kryesore të Zhvillimit / Paraqitja e Projekteve Kryesore – Arsytet dhe Përfituesit

Orientimi afatgjatë i Qarkut do të jetë i lidhur me planet strategjike të Bashkive përbërëse të tij. Konkreisht sfidat kryesore të zhvillimit të Bashkive pjesë e Qarkut lidhen me :

- Përmirësimi i infrastrukturës dhe shërbimeve publike
- Fusha e shërbimeve sociale
- Kultura , sporti dhe shërbimet argëtuese
- Mbrojtja e mjedisit
- Bujqësia dhe zhvillimi rural
- Siguria publike etj.

Këshilli i Qarkut Korçë angazhohet maksimalisht duke ofruar partneritet dhe koordinim midis të gjithë partnerëve lokalë e rajonalë me synim zhvillimin ekonomiko-social të Rajonit dhe rritjen e cilësisë të shërbimeve për komunitetin. Kjo është konkretizuar që në vitin 2024 duke ndërmarrë dhe realizuar një sërë projektesh me karakter social, kulturor, zhvillimor, të cilat kanë pasur një impakt në të gjithë Rajonin tonë. Projektet më të mëdha të investimeve në të cilat do të angazhohet Këshilli i Qarkut konkretizohen në momentin e lidhjes të marrëveshjeve me Bashkitë e Qarkut, pas shqyrtimit të kërkesave të tyre bazuar mbi planet dhe projektet zhvillimore vendore të secilës Bashki pjesë përbërëse të Qarkut. Secila Bashki duhet të dorëzojë në Këshillin e Qarkut planet e tyre zhvillimore vendore.

Për vitin 2025, Këshilli i Qarkut ka parashikuar edhe një fond për hartimin e Strategjisë Sektoriale të zhvillimit Rajonal, e cila do i shërbejë të gjithë Rajonit dhe do të jetë në dobi të zhvillimit të tij.

4. BUXHETI AFATMESËM I QARKUT KORÇË 2026-2028

Ky seksion i kushtohet alokimit të burimeve për shpërzime publike të Qarkut KORÇË gjatë periudhës 2026-2028, si dhe projekteve kryesore të investimeve publike, nëse janë planifikuar të tillë. Nënseksioni i parë, prezanton të ardhurat e parashikuara për periudhën 2026-2028, me një shpjegim për secilin grup të të ardhurave së bashku me supozimet kryesore të bëra gjatë parashikimit. Nënseksioni i dytë, paraqet një përmbledhje të planeve të shpenzimeve të Qarkut për vitet 2026-2028. Ky nënseksion prezanton informacionin mbi shpenzimet totale sipas kategorive ekonomike, programit dhe funksioneve qeverisëse. Në vijim paraqiten projektet kryesore të investimeve publike të planifikuara nga Qarku.

Për herë të parë, Këshilli i Qarkut Korçë e ka hartuar PBA-në 2026-2028 sipas metodologjisë të re ku ka nënshkruar struktura buxhetore e për pasojë edhe deklarata e politikës të programit. Në vijim, nga viti 2026 dhe më tej, buxheti i Këshillit të Qarkut Korçë përbëhet nga 1 program i vetëm dhe disa produkte që identifikojnë edhe funksionet që ai realisht realizon në ushtrimin e veprimtarisë të t.j.

Tabela 1 paraqet të dhëna bazë mbi bashkinë që përshkruajnë demografinë, sipërfaqen, komunitetin dhe bazën e biznesit, kapacitetin menaxhues, etj. Këshilli i Qarkut nuk disponon të dhëna statistikore të këtij tipi.

Tabela 1. Informacion Bazë mbi Qarkun

RAPORTI PBA9: INFORMACION MBI NJVQV/PROGRAMIN

Ne pamundësi kopjimi të tabelave vec e vec, tabelat i bashkëngjithen këtij relacioni dhe janë pjese e tij.

4.1 Të Ardhurat dhe Shpenzimet Publike të Qarkut KORÇË në vitet 2026-2028

4.1.1 Të ardhurat e parashikuara të Qarkut KORÇË për vitet 2026-2028

Ky nënseksion paraqet një përshkrim të secilit prej burimeve kryesore të të ardhurave, duke përfshirë të ardhurat e veta, taksat e ndara, transfertën e përgjithshme të pakushtëzuar dhe transfertat e pakushtëzuara sektoriale, transfertën e kushtëzuar, luancarrjet dhe të ardhurat e trashëguara. Informacioni jepet mbi: të ardhurat faktike të dy viteve të fundit; buxhetin fillestar dhe të pritshmin për vitin korent; dhe parashikimet për tre vitet e ardhshme.

Tabela 2. Të Ardhurat e Qarkut sipas Burimit

RAPORTI PBA2: PARASHIKIMI I TË ARDHURAVE

Ne pamundesit kopjimi të tabelave vec e vec, tabelat i bashkengjithen këtij relacioni dhe janë pjesë e tij.

Në drejtimin e Kryetarit të GMS, grupi i punës ka punuar për planifikimin e Programit Buxhetor Afatmesëm 2026-2028 mbështetur në:

- Mundësitë reale të realizimit të burimeve të të ardhurave, si kusht për financimin e shpenzimeve.
- Analizën e realizimit të buxhetit në dy vitet paraardhëse si dhe në realizimin e pritshëm të tij për vitin 2025.
- Rritjen e lejuar të transfertës së pakushtëzuar të parashikuar në Udhëzimin e Ministrisë së Financave dhe Ekonomisë nr. 08 datë 28.02.2025 "Për përgatitjen e Programit Buxhetor Afatmesëm Vendor 2026-2028".
- Programi i aktiviteteve për vitin 2025 për institucionin e Këshillit të Qarkut të lidhura me objektivat e zhvillimit të qeverisjes vendore.
- Parashikimi i pritshëm i realizimit të kontratave për implementimin e Projekteve të fituara me fonde të Bashkimit Europian në kuadër të Programeve të Bashkëpunimit ndërkufitar IPA CBC Greqi – Shqipëri 2021-2027 apo dhe programeve të tjera.
- Normativat e lejuara të shpenzimeve të miratuara me akte ligjore e nënligjore.

Në zbatim të Udhëzimit të Ministrisë së Financave nr. 08 datë 28.02.2025 "Për përgatitjen e Programit Buxhetor Afatmesëm Vendor 2026-2028", si dhe bazuar në shkresën e ardhur nga Ministria e Financave mbi transfertën e pakushtëzuar të vitit 2025, tavanet për transfertën e pakushtëzuar janë planifikuar përkatesisht për vitin 2026, 2.9% më e lartë se në vitin 2025, për vitin 2027 me 2.5% krahasuar me vitin 2026, dhe për vitin 2028 me 2.5% krahasuar me vitin 2027. Transferta e pakushtëzuar e përgjithshme shohim se vjen në rritje. Mendojmë se kjo është një rritje relativisht e mirë duke patur parasysh aktivitetet dhe programet e parashikuara për këtë Program Buxhetor Afatmesëm si dhe niveli i ulët i të ardhurave që realizon Këshilli i Qarkut. Transferta e pakushtëzuar kap një peshë të konsiderueshme të buxhetit në total.

Transferta e kushtëzuar nuk është bërë pjesë e PBA-së për vitet 2025, 2027 dhe 2028 duke qënë se ajo nuk mund të parashikohet me saktësi, ndërsa për vitin 2024, te fakti, kemi llogaritur edhe transferiën e kushtëzuar.

Për vitin 2024 dhe 2025, vec transfertës të kushtëzuar të Drejtorisë të Administrimit dhe mbrojtjes të tokës, kemi dhe një transfertë të kushtëzuar që lidhet me fondin social për pagesën e pagave dhe sigurimeve për punonjësit e qendrave të të moshuarve në Bashkitë Korçë, Maliq dhe Pogradec. Këto qendra administrohen nga Bashkia Korçë dhe Misioni Emanuel dhe financohen nga fondi social për mbulimin e pagave dhe sigurimeve të punonjësve. Gjithashtu Këshilli i Qarkut Korçë mbulon një sërë shpenzimesh të tjera sipas nevojave të tyre. Sic e theksuam edhe më lart, transfertat e kushtëzuara nuk janë pjesë e PBA-së.

Të ardhurat e veta përbëhen nga kontributi financiar i bashkive dhe të ardhurat nga tarifat e shërbimeve që ofron këshilli i qarkut. Aktualisht Këshilli i Qarkut ofron tarifa vetëm nga DAMT dhe shumë rrallë nga arkivi i Urbanistikës. Të ardhurat e veta faktike për vitin 2022 dhe 2023 janë krahasimisht me të ulta sesa fakti i vitit 2024 dhe parashikimet për vitet 2025, 2026, 2027, 2028. Fakti shumë i ulët i realizimit lidhet me mungesën e depozitimit të kontributeve të Bashkive që në njëfarë mënyre e kanë detyrim derdhjen e kontributit për Këshillin e Qarkut. Kjo bëri që në vitin 2024 të përdorej një tjetër arsyetim për planifikimin e këtyre të ardhurave, pra kontributeve të bashkive.

Lidhur me planifikimin e të ardhurave të vetë institucionit nga kontributet e bashkive, grupi i punës ka përdorur një logjikë ndryshe nga më përpara me qëllim rritjen e arkëtimeve nga këto kontribute. Duke qënë se deri tani të ardhurat e realizuara nga kontributet e bashkive janë në nivele shumë të ulta, gjykojmë një tjetër formë për mbledhjen e tyre. Financimet që do të bëjë Këshilli i Qarkut për projekte të ndryshme në të mirë të komunitetit për të gjashtë bashkitë pjesë e Qarkut, do të jenë në varësi të kontributit që bashkitë do të derdhin në Qark. Në këtë formë parashikohet të realizohet me sukses zëri i të ardhurave kontribute nga bashkitë dhe është parashikuar në një vlerë dukshëm më të lartë se vitet e mëparshme. Fakti i vitit 2024 tregon se arkëtimet nga ky zë janë ritur, por jo sipas pritshmërive. Parashikimi për vitet 2026, 2027 dhe 2028 ka ecur bazuar mbi të njëjtën metodologji. Vëmë re se parashikimi për vitin 2025 për këto të ardhura është më i lartë edhe nga vitet 2026, 2027 dhe 2028 sepse kemi llogaritur këtu edhe pjesën e parrealizuar të të ardhurave që priteshin të realizoheshin për vitin 2024, me pretekstin e bashkive se do ja akordonin qarkut në vitin 2025. Ndërsa për sa ju përket të ardhurave që Këshilli i Qarkut arkëton nga tarifat, janë parashikuar më të ulta krahasuar me vitin 2023 bazuar në faktin e realizimit të tyre si dhe në shërbimet që ofron DAMT-ja, pasi Qarku arkëton tarifa vetëm nga DAMT-ja dhe shumë rrallë nga arkivi i urbanistikës. Të ardhurat nga tarifat, është e pamundur të parashikohen për vete natyrën që kanë.

Gjithashtu, për vitin 2025 Këshilli i Qarkut ka parashikuar të shtojë në të ardhurat e tij të pritshme, një fond prej 54.5 milion lekësh nga fondet që pret të arkëtojë si rimbursim për shpenzimet që ka kryer për projektet e huaja. Duke qënë se këto fonde celen me kapitull 5 dhe jo me 2, te tabela e parashikimit të të ardhurave në sistemin SMBV, i kemi klasifikuar si grant i brendshëm pas konsultimeve edhe me financat vendore, për efekt rakordimi. Aktualisht, Këshilli i Qarkut i ka mbyllur të gjitha projektet me financim të huaj dhe është në proces aplikimi për projekte të reja. Janë mbyllur 5 projekte të huaja, por disbursimet e fondeve nga donatorët nuk kanë përfunduar ende, pasi po kryhen certifikimet e shpenzimeve. Duke qënë se Këshilli i Qarkut i ka kryer këto shpenzime paraprakisht nga buxheti i vet, pret rimbursimin e tyre nga donatori. Një pjesë e këtyre fondeve janë në llogaritë e projekteve në bankat e nivelit të dytë, dhe Qarku do të bëjë kalimin e tyre në llogarinë e vet në thesar, sipas procedurave të

rekomanduara nga Ministria e Financave. Pjesa tjetër do të çisbursohet nga donatorët. Konkretisht, në vitin 2024 Këshilli i Qarkut ka arkëtuar rreth 11.4 milion lekë nga rimbursimet për projektet e huaja të përfunduara, fonde këto që i janë shtuar buxhetit të vitit 2024 dhe janë celur me kapitull 5 nga thesari, që do të thotë se shpërndarja e tyre në buxhet është bërë sipas vendimeve të Këshillit. Duke qënë se ato nuk u përdorën gjatë vitit 2024, ju bashkuan trashëgimit për vitin 2025. Edhe pse për efekt bilanci, sipas rekomandimeve të Ministrisë të Financave këto fonde nuk pasqyrohen në llogari të të ardhurave por në llogarinë 106, ato faktikisht janë burim të ardhurash për buxhetin e Qarkut dhe shpërndahen në buxhet sipas vendimeve të Këshillit. Është kjo arsyeja që për vitin 2025 parashikojmë të ardhura me kapitull 5 (ashtu si ato celer në momentin e arkëtimit) pikërisht nga rimbursimet (ndryshe nga vitet e mëparshme që parashikoheshin fonde nga rimbursimet me kapitull 2) dhe mendojmë se brenda vitit 2025 do të përfundojnë të gjitha rimbursimet e shpenzimeve për projektet e përfunduara. Kjo ka bërë edhe që plani i të ardhurave të vitit 2025 të jetë shumë më i lartë se vitet 2026, 2027 dhe 2028.

Pjesë e diskutimit ishin edhe projekt idetë për aktivitetet që do të planifikohen në vitet në vazhdim me synim arritjen e objektivave të Këshillit të Qarkut. Hartimi i kërkesave buxhetore për tre vitet e ardhshme do të shërbejë si tregues kryesor për planifikimin e shpenzimeve sipas programeve dhe aktiviteteve në përmbushje të objektivave të Këshillit të Qarkut, kjo e lidhur edhe me Programin Buxhetor Afatmesëm 2025-2027 përfundimtar të miratuar në Këshillin e Qarkut në Dhjetor 2024.

Disa nga objektivat kryesore të Këshillit të Qarkut të cilat janë marrë në konsideratë në hartimin e Programit Buxhetor Afatmesëm janë si më poshtë:

- Hartimi dhe zbatimi i politikave rajonale dhe harmonizimi i tyre me politikat e qeverisjes qendrore.
- Hartimi i Planit Sektorial për një zhvillim të qëndrueshëm ekonomik për territorin e Qarkut Korçë.
- Pjesëmarrja në Programet ndërkufitare e me gjerë dhe krijimi i partneriteteve për një zhvillim të qëndrueshëm rajonal.
- Nxirjen e bashkëpunimit midis njësive të qeverisjes vendore të Rajonit, si dhe bashkëpunimin nderrajonal.
- Përmirësimi i shërbimeve të ofruara komunitetit dhe sigurimi i një qeverisjeje më të mirë.
- Përmirësimi i rolit të Qarkut dhe njësive përbërëse të tij, në procesin e Integrimit Europian.

4.1.1.1 Të Ardhurat e Veta të Qarkut KORÇË

Ky nënseksion paraqet informacion mbi të ardhurat e veta, përfshirë ato faktike për dy vitet e mëparshme, të pritshmet për vitin aktual dhe parashikimet për periudhën tre-vjeçare të PBA-së. Informacioni mbi supozimet që qëndrojnë në themel të këtyre parashikimeve paraqitet për secilin zë kryesor të të ardhurave të veta.

Për Këshillin e Qarkut Korçë të ardhurat e veta përbëhen nga tarifat e DAMT-së dhe kontributi i Bashkive, si dhe për vitin 2025 është planifikuar edhe një burim të ardhurash nga rimbursimi i shpenzimeve të kryera për projektet e huaja të përfunduara. Këshilli i Qarkut nuk arkëton të ardhura nga taksat.

Të ardhurat nga tarifat e DAMT-së nga viti në vit paraqiten me rënie. Për vetë natyrën që kanë është e pamundur të bëhet parashikimi i tyre. Ndërsa për sa i përket të ardhurave nga kontributet e Bashkive, realizimi është gjithmonë në nivele shumë të ulta. Asnjë nga Bashkitë e Qarkut nuk derdh kontributin e vet për llogari të Këshillit të Qarkut edhe pse e kanë përcaktim ligjor. Këshilli i Qarkut ka marrë masa duke ju dërguar herë pas here shkresa zyrtare duke ju rikujtuar detyrimet e tyre ligjore, por situata vazhdon të mbetet e njëjtë. Për këtë arsye grupi i punës ka përdorur një logjikë ndryshe nga më përpara me qëllim rritjen e arkëtimeve nga kontributet e bashkive. Duke qenë se deri tani të ardhurat e realizuara nga kontributet e bashkive janë në nivele shumë të ulta, gjykojmë një tjetër formë për mbledhjen e tyre. Financimet që do të bëjë Këshilli i Qarkut për projekte të ndryshme në të mirë të komunitetit për të gjashta bashkitë pjesë e Qarkut, kryesisht në fushën e turizmit, do të jenë në varësi të kontributit që bashkitë do të derdhin në Qark. Në këtë formë parashikohet të realizohet me sukses zëri I të ardhurave kontribute nga bashkitë dhe është parashikuar në një vlerë dukshëm më të lartë se vitet e mëparshme. Kjo ka bërë që në total të ardhurat e parashikuara për tu realizuar për vitet 2025, 2026, 2027 dhe 2028 të jenë më të larta se vitet e mëparshme.

Madje viti 2025 ka një parashikim më të lartë edhe nga vitet 2026, 2027 dhe 2028 pasi mbart edhe pjesën e përealizuar të vitit 2024 që bashkitë u zotuan se do e kalojnë për llogari të qarkut në vitin 2025. Edhe pse është cituar në Ligjin e vetëqeverisjes vendore se bashkitë duhet të parashikojnë në buxhetin e tyre kontribute për Këshillin e Qarkut, ligji nuk i detyron mbi masën e kontributit, kështu që edhe Qarku, përderisa nuk ekziston një detyrim ligjor, e ka të pamundur të bëjë më shumë për arkëtimin e këtyre kontributeve.

Për sa i përket të ardhurave të trashëguara, në vitin 2022, 2023, 2024 dhe 2025 janë përfshirë edhe të ardhurat e trashëguara nga një vit më parë. Ndërsa në vitet 2026, 2027 dhe 2028 këto të ardhura nuk mund të përfshihen për vetë faktin sepse nuk mund të parashikojmë një informacion të tillë. Kjo është edhe arsyeja se pse tavanet për vitin 2026, 2027 dhe 2028 dalin më të ulta krahasuar me vitin 2025, 2024, 2023, 2022. **Vitet 2026, 2027 dhe 2028 nuk përfshijnë a) të ardhurat e trashëguara të cilat janë të konsiderueshme për vitin 2025, dhe b) të ardhurat nga rimbursimet e shpenzimeve për projektet e përfunduara të cilat janë parashikuar vetëm në vitin 2025.**

4.1.1.2 Të ardhurat nga Taksat e Ndara

Këshilli i Qarkut Korçë nuk arkëton të ardhura nga taksat e ndara

4.1.1.3 Transferta e pakushtëzuar e përgjithshme

Të ardhurat nga transferta e pakushtëzuar e përgjithshme për periudhën afatmesme që i kalojnë pushtetit vendor komunikohen nga Ministria e Financave përmes Udhëzimit Vjetor dhe atij Plotësues të Përgatitjes së PBA-së.

Në zbatim të Udhëzimit të Ministrisë së Financave nr. 08 date 28.02.2025 "Për përgatitjen e Programit Buxhetor Afatmesëm Vendor 2026-2028", si dhe bazuar në shkresën e ardhur nga Ministria e Financave mbi transfertën e pakushtëzuar të vitit 2025, tavanet për transfertën e pakushtëzuar janë planifikuar përkatësisht për vitin 2026, 2.9% më e lartë se në vitin 2025, për vitin 2027 me 2.5% krahasuar me vitin 2026, dhe për vitin 2028 me 2.5% krahasuar me vitin 2027. Transferta e pakushtëzuar e përgjithshme shohim se vjen në rritje. Mendojmë se kjo është një rritje relativisht e mirë duke patur parasysh aktivitetet dhe programet e parashikuara për këtë Program Buxhetor Afatmesëm si dhe niveli i ulët i të ardhurave që realizon Këshilli i Qarkut. Transferta e pakushtëzuar kap një peshë të konsiderueshme të buxhetit në total.

4.1.1.4 Transferta e Pakushtëzuar Sektoriale

Të ardhurat nga transferta e pakushtëzuar sektoriale për periudhën afatmesme komunikohen nga Ministria e Financave dhe Ekonomisë përmes Udhëzimit Vjetor dhe atij Plotësues të Përgatitjes së PBA-së.

Këshilli i Qarkut Korçë ka një transfertë të pakushtëzuar sektoriale për të mbuluar rritjen e parashikuar të pagave, përkatësisht 6500 mijë lekë për vitet 2026, 2027, 2028

*Për vitin 2025 është parashikuar edhe një zë të ardhurash : Rimbursime për projektet e huaja të cilat kanë përfunduar dhe shpenzimet për to janë kryer nga buxheti i Këshillit të Qarkut. Disbursimet për këto projekte nuk kanë përfunduar akoma, ndërsa një pjesë ndodhet në llogaritë e këtyre projekteve në bankën e nivelit të dytë dhe presin të kalohen në llogaritë tona në thesar sipas procedurave të lejuara. Më sipër është sqaruar më me detaje në lidhje me këtë zë të të ardhurave të planifikuara.

2.1.2 Plani i Shpenzimeve të Qarkut KORÇË për periudhën 2026-2028

Tabela 3, paraqet shpenzimet faktike, të buxhetuara dhe të planifikuara të Bashkisë mbi baza vjetore për secilën kategori ekonomike të shpenzimeve gjatë periudhës 2023 deri në 2028.

Tabela 3. Shpenzimet totale të Bashkisë sipas kategorive ekonomike.

RAPORTI PBA3: SHPENZIMET E NJVQV DHE PROGRAMIT SIPAS KLASIFIKIMIT EKONOMIK

Ne pamundesi kopjimi te tabelave vec e vec, tabelat i bashkengjithen ketij relacioni dhe jane pjese e tij.

Tabela 4, paraqet shpenzimet totale faktike, të buxhetuara dhe të planifikuara të Bashkisë mbi baza vjetore për secilin program buxhetor për periudhën 2023-2028

Tabela 4. Shpenzimet totale të Bashkisë sipas programit dhe kategorive ekonomike

RAPORTI PBA5: SHPENZIMET SIPAS PROGRAMIT DHE KLASIFIKIMIT EKONOMIK

Ne pamundesi kopjimi te tabelave vec e vec, tabelat i bashkengjithen ketij relacioni dhe jane pjese e tij

Tabela 5. Shpenzimet e NJVQV sipas Klasifikimit Funkcional (Niveli I, II, III i COFOG)

RAPORTI PB-4: SHPENZIMET E NJVQV SIPAS KLASIFIKIMIT FUNKSIONAL (NIVELI I, II, III I COFOG) sipas SMBV-se

Ne pamundes kopjimi te tabelave vec e vec, tabelat i bashkengjithen ketij relacioni dhe jane pjese e tij

Planifikimi i shpenzimeve buxhetore për tre vitet e ardhme është bërë mbi bazën edhe të orientimeve të Udhëzimit nr. 8 datë 28.02.2025.

Niveli i pagave dhe sigurimeve shoqërore është ritur ndjeshëm krahasuar me vitin 2024, pasi ka marrë parasysh edhe ritjen e pagave që u be me VKM-në nr.503 dt.01.08.2024. Gjithashtu GMS-ja ka marrë parasysh edhe ndryshimet në strukturë që do të bëhen për Këshillin e Qarkut, pasi sipas Ligjit të Buxhetit të vitit 2025, administrata e Këshillit të Qarkut do të shpëtojë me 3 punonjës. Parashikimi për këtë zë të shpenzimeve për vitet 2026, 2027 dhe 2028 është lënë pak a shumë si në vitin 2025.

Shpenzimet operative janë planifikuar mbi bazën e normativave të miratuara, mbi bazën e realizimit faktik të tyre në periudhat e mëparshme si dhe mbi bazën e aktiviteteve pjesë e të cilave do të jetë Këshilli i Qarkut për vitet në vazhdim. Në këtë zë është patur parasysh ulja e nivelit të borxhit të trashëguar sipas planifikimit. Shpenzimet operative janë më të larta për vitet 2026, 2027, 2028 krahasuar me vitet 2022 dhe 2023. Buxheti i vitit 2024 është hartuar disi ndryshe nga vitet e mëparshme. Fokusi është vënë në më shumë projekte që do të kenë një impakt rajonal dhe që do të shërbejnë një komuniteti të gjerë në fushën e turizmit, kulturës, mbështetjes sociale etj. Kjo ka bërë që strukturës buxhetore të Qarkut ti shtohen disa programe të tjera që prej vitit 2024, si programi për mbështetje dhe zhvillim ekonomik, programi i përkujdesit social, trashëgimia kulturore, eventet artistike dhe kulturore. Të gjitha këto projekte do të jenë më shumë në formën e shpenzimeve operative, **për këtë arsye zëri shpenzime operative është më i lartë nga vitet e mëparshme.** Struktura e buxhetit që nga viti 2024 ka ndryshuar disi nga vitet e mëparshme, falë mënyrës të re të konceptimit dhe për të qënë sa më afër në shërbim të komunitetit të të gjithë Rajonit.

Shpenzimet për investime, ndryshe nga vitet e mëparshme janë menduar të shtrihen në ato fusha që do të kenë një impakt më të madh rajonal, pra që do të shërbejnë rajonit në tërësi. Gjithashtu është menduar që këto investime do të jenë edhe në varësi të kontributeve financiare që Bashkitë do të japin për Këshillin e Qarkut. Kryesisht, në përgjigje edhe të kërkesave të bashkive, këto investime prekin fushën e turizmit. Shohim se parashikimi për vitet 2026, 2027 dhe 2028 është më i ulët, jo sepse nuk do të jetë fokusi në këto zëra, por sepse 3 vitet e ardhshme nuk përfshijnë trashëgimin, ndërkohë që viti 2025 dhe plani i vitit 2025 ka një fond të trashëguar të konsiderueshëm i cili është shpërndarë kryesisht në investime, investime të cilat ishin planifikuar për vitin 2024 dhe nuk u realizuan.

Shpenzime për pjesëmarrje në Programet IPA me projekte të fituara me fonde të Bashkimit European. Në vitin 2023 ka përfunduar financimi i tre projekteve në proces pasi dy ishin mbyllur që në vitin 2022. Aktualisht Këshilli i Qarkut është në proces aplikimi në projekte të reja të huaja. Ka lënë në buxhetin e vitit 2025 vetëm 1 fond që do të shërbejë si garanci për pjesëmarrje në projektet e reja, për të mbuluar pjesën e parafinancimit apo bashkëfinancimit nëse do të bëhet pjesë e ndo 1 projekti të ri. Kjo është dhe arsyeja që në vitin 2023 kemi një realizim goxha të lartë të fondeve të investimeve, sepse u finalizuan projektet e investimeve që lidheshin me këto projekte. Për vitin 2025 janë parashikuar fonde për Projektet me financim të huaj vetëm nga kapitulli 5 i fondeve që janë parashikuar të realizohen nga rimbursimi e shpenzimeve që janë kryer tashmë për projektet e BE-së, pra nga fondet e Bashkimit European që priten të shtohen buxhetit të Këshillit të Qarkut nga rimbursimi i shpenzimeve të kryera deri më tani.

Këto fonde do të shtohen planit agregat në momentin e arkëtimit dhe do të përdoren sipas vendimeve të Këshillit të Qarkut. Për vitet 2026, 2027 dhe 2028 nuk mund të bëjmë dot 1 parashikim për sa kohë nuk kemi as 1 projekt konkret në zbatim.

Këshilli i Qarkut është aktiv në Programet e celura nga Bashkimi Europian për të krijuar mundësinë e thithjes së sa më shumë fondeve për zhvillimin e Rajonit.

Në total buxheti për Programin Buxhetor Afatmesëm 2026-2028 është parashikuar si më poshtë:

Viti 2026	107786 mijë lekë
Viti 2027	112057 mijë lekë
Viti 2028	116364 mijë lekë

Shpenzimet që do të rrjedhin nga transfertat e kushtëzuara nuk janë pjesë e tabelave.

*Ritheksojmë edhe një herë se buxheti i vitit 2025 është dukshëm më i lartë krahasuar me vitin 2026, 2027 dhe 2028 pasi ai përfshin trashëgimin nga viti 2024(pjesën e shtuar në buxhet deri në këtë moment që po raportojmë, pasi pjesa e mbetur e trashëgimit do të shtohet buxhetit në mbledhjen e radhës të Këshillit) si dhe të ardhurat që janë parashikuar të realizohen nga rimbursimet e shpenzimeve të kryera për projektet me financim të huaj të përfunduara.

4.2 INVESTIMET PUBLIKE NË NIVEL VENDOR

Shpenzimet për investime në vazhdim, ndryshe nga vitet e mëparshme janë menduar të shtrihen në ato fusha që do të kenë një impakt më të madh rajonal, pra që do të shërbejnë rajonit në tërësi. Gjithashtu është menduar që këto investime do të jenë edhe në varësi të kontributeve financiare që Bashkitë do të japin për Këshillin e Qarkut. Fokusi është vënë në investimet në fushën e turizmit, fushë e cila i prek ndjeshëm dhe ka potencial për tu zhvilluar në të gjitha Bashkitë e Qarkut tonë. Për vitin 2025 2026 2027 dhe 2028 Projektet e Investimeve i kemi në Raportin PBA8.

Duke qënë se pjesa më e madhe e investimeve të planifikuara për vitin 2024 nuk u realizuan, për shkak se kontributet e bashkive për këto investime janë arkëtuar shumë vonë nga ana e Këshillit të Qarkut, të njëjtat investime u planifikuan përsëri në buxhetin e vitit 2025. Gjatë vitit 2024 u mbyllën investimet në lidhje me rikonstruksionin e rrugës Grunjas Kakac Shqitas si dhe segmentet rrugore Ledhëse të këtij aksi rrugor.

Investimet për vitet 2026, 2027 dhe 2028 nuk mund të parashikohen në projekte investimesh të detajuara pasi ato janë edhe në varësi të kërkesave dhe prioriteteve që vijnë nga bashkitë e Qarkut.

5. BUXHETI AFATMESËM PËR PROGRAMET BUXHETORE

Në PBA-në 2025-2027, buxheti total i Qarkut KORÇË kishte 11 programeve të shpenzimeve. Ndërkohë 2 programe (05100 dhe 06370) kanë përfunduar pasi lidheshin me projektet me financim të huaj. Gjithashtu edhe programi 09230 apo 04520 nuk kanë plan për vitin 2025 apo për vitet në vazhdim, por i janë shtuar PBA-së 2025-2027 për shkak të faktit të vitit 2023 apo 2024. Gjithashtu edhe programi 09120 ka vetëm një fond prej 22 mijë lekësh që vjen si rezultat i mbetjes të palikujduar të një mbikqyrjeje objekti në që vitin 2019, pasi operatori nuk priste faturë. Programe funksionale janë vetëm 6. Kjo për sa i përket vitit 2025.

Për sa i përket viteve 2026 2027 dhe 2028, ku Qarku korçë do të buxhetojë sipas metodologjisë të re duke filluar nga viti 2026, PBA-ja është hartuar bazuar në kjo metodologji, sipas të cilës Këshilli i Qarkut Korçë ka vetëm 1 program buxhetor, AA015. Ky program ka disa qëllime dhe objektiva të cilat janë të lidhura me funksionet që qarku ushtron.

Ky seksion i dokumentit të PBA-së paraqet planet e shpenzimeve që lidhen me performancën për secilin vit të PBA-së, për secilin nga programet e shpenzimeve të Qarkut. Çdo nën-seksion (3.1 deri në 3.X) paraqet informacionin e performancës të planifikuar dhe kostot përkatëse për një program. Për secilin program informacioni i paraqitur konsiston në:

- Shpenzimet totale të programit sipas kategorisë ekonomike (paga dhe sigurime, shpenzime korente dhe shpenzime kapitale) për dy vitet e kaluara (fakti), vitin aktual (buxheti fillestar dhe i pritshmi) dhe tre vitet e ardhshme (parashikimi);
- Politika e Programit (qëllimet e politikës së programit, objektivat e programit dhe treguesit përkatës të performancës);
- Planet e shpenzimeve të Produkteve të Programit;
- Projektet e investimeve; dhe
- Të dhëna dhe statistika të përgjithshme të programit.

Tabela 5, paraqet informacion mbi shpenzimet totale të programit sipas kategorive ekonomike për dy vitet e mëparshme (faktin), vitin aktual buxhetor (buxheti fillestar dhe i pritshmi) dhe tre vitet e ardhshme të PBA-së (parashikimi).

Tabela 5. Shpenzimet e Programit sipas Kategorive ekonomike

RAPORTI PBA3: SHPENZIMET E NJVQV DHE PROGRAMIT SIPAS KLASIFIKIMIT EKONOMIK (SMBV)

Ne pamundesi kopjimi te tabelave vec e vec, tabelat i bashkengjithen ketij relacioni dhe jane pjese e tij

5.1.1 Qëllimet dhe Objektivat e Politikës së Programit

Ky nënseksion ofron informacion mbi planet e performancës së programit. Deklarata e Politikës së Programit është paraqitur në Tabelën 6, duke artikuluar qëllimet e politikës së

programit, objektivat e politikës së programit dhe treguesit përkatës të performancës për çdo vit të PBA-së.

Tabela 6. Qëllimet dhe Objektivat e Politikës së Programit

RAPORTI PBA6: DEKLARATA SË POLITIKËS SË PROGRAMIT(SMBV)

Ne pamundesi kopjimi te tabelave vec e vec, tabelat i bashkengjithen ketij relacioni dhe jane pjese e tij

5.1.2 Plani i Shpenzimeve të Produkteve të Programit

Ky nënseksion, ofron informacion mbi planet e ofrimit të shërbimeve të programeve dhe kostot përkatëse. Për secilin Objektiv të Politikës së Programit, paraqitet informacion për produktet që do të kontribuojnë në arritjen e këtyre objektivave. Informacioni për produktet përfshin emrin e produktit, përshkrimin e produktit, sasinë e planifikuar, shpenzimet totale dhe shpenzimet për njësi të produktit.

Tabela 7. Planet e Shpenzimeve të Produkteve të Programit

RAPORTI PBA7: SHPENZIMET E PRODUKTEVE TË PROGRAMIT (SMBV)

Ne pamundesi kopjimi te tabelave vec e vec, tabelat i bashkengjithen ketij relacioni dhe jane pjese e tij.

Me ndryshimin e strukturës të buxhetit për vitin 2024, domosdoshmërisht ndryshoi edhe struktura për vitin 2025, 2026 2027 dhe 2028. U shtuan programe të reja buxhetore dhe ndryshoi fokusi për disa programe.

Me futjen e Qarkut në zbatimin e metodologjisë të re në vitin 2026, ndryshoi përsëri struktura buxhetore. Programi buxhetor do të jetë një i vetëm, por funksionet e Qarkut do të vazhdojnë të jenë ato që kanë qënë edhe më përpara, dhe në varësi edhe të kushteve apo nevojave që mund të lindin, mund edhe të shtohen apo hiqen funksione të caktuara nëpërmjet shtimit apo heqjes të produkteve.

Për vitet 2026, 2027 dhe 2028 janë planifikuar produktet si më poshtë:

- Shërbimi i stafit të administrim dhe menaxhim (01110)
- Mirëmbajtja e infrastrukturës dhe funksionimi i aparatit (C1110)
- Akte të miratuara nga Këshilli (01110)
- Përmeshja e detyrimeve gjyqësore (01110)
- Nëpunës të trajnuar (01110)
- Fondi rezerve
- Promovimi i turizmit (04130)
- Mbështetja e të rinjve për zhvillim (04130)
- Promovimi i trashëgimisë kulturore (08220)
- Bashkëfinancim në projektet e BE-së(për parafinancimet apo bashkëfinancimet për projektet e huaja)
- Qendra ditore për fëmijë (10430)
- Mbështetje për aktivitetet sociale (10430)
- Persona që përfitojnë kujdesin social (10430)

Kostimi i këtyre produkteve është bërë duke pasur parasysh faktin e vitit 2024 si dhe ecurinë aktiviteve të planifikuara gjatë këtyre viteve të fundit.

5.1.3 Projektet e Investimeve të Programit

Tabela 8. Projekte e Investimeve të Programit

RAPORTI PE48: PROJEKTET E INVESTIMEVE (SMBV)

Ne pamundësi kopjimi të tabelave vec e vec, tabelat i bashkëngjithen ketij relacioni dhe jane pjese e tij.

5.1.4 Informacione Bazë mbi Programin

Ky seksion i dokumentit paraqet të dhëna dhe statistika specifike të programit, që mund ta ndihmojnë lexuesin të kuptojë më mirë profilin dhe kontekstin e programit.

Tabela 9. Informacione bazë mbi Programin

Këshilli i Qarkut nuk disponon të dhëna statistikore më të specifikuar.

Konkluzione

Kjo është faza paraprake e PBA-së 2026-2028, e cila është hartuar sipas metodologjisë të re, pra buxhetimi me bazë produktin. Programi për Këshillin e Qarkut është një i vetëm sipas kësaj metodologjie. Ky program konsiston në disa qëllime dhe objektiva të cilat janë të lidhura nëpërmjet produkteve, me funksionet që Qarku do të ushtrojë. Duke qënë se kjo është faza e parë, në fazat në vazhdim mund të ketë edhe ndryshime për sa i përket produkteve.

PBA-ja 2026-2028 paraprake është bazuar në PBA-në përfundimtare 2025-2027. Janë bërë ndryshimet në vitin 2025 sipas rishikimeve që ka pësuar buxheti. Tavanet janë ato të miratuara me vendimin e Këshillit të Qarkut nr.03 dt.21.03.2025. Si e theksuam edhe më sipër tavanet për vitet 2026, 2027 dhe 2028 janë dukshëm më të ulta se viti 2025 pasi nuk përfshijnë trashëgimin si dhe fond nga rimbursimi i shpenzimeve të projekteve të huaja të përfunduara.

Mendohet që në të ardhmen fokusi do të jetë në projekte të shumta të cilat do ti shërbejnë të gjithë rajonit, në aspekte dhe fusha të ndryshme si sociale, kulturore, zhvillimore etj, dhe që do të jenë të ndara sipas produkteve sipas udhëzimit të Ministrisë të Financave mbi zotimin e metodologjisë të re për bashkitë dhe qarqet pilot. Në këtë program janë mbajtur parasysh kërkesat e UMF Nr. 23 dt. 30.07.2018 "Për procedurat standarte të përgatitjes së programit buxhetor afatmesëm", UMF Nr. 8 dt. 28.02.2025 "Për përgatitjen e programit buxhetor afatmesëm vendor 2026-2028", Vendimi i Këshillit të Qarkut mbi miratimin e Kalendarit të hartimit të PBA-së 2026-2028 si dhe buxhetit vjetor, etj. Këtë vit PBA-ja u hartua, sipas udhëzimit, në Sistemin e Menaxhimit të Buxhetit Vendor(SMBV) dhe sipas metodologjisë të re.

Në planifikimin e të ardhurave të veta, për periudhën 2026-2028, GMS u mbështet në ligjin nr.139/2015 "Për vetëqeverisjen vendore", ligjin nr.68, datë 24.04.2017 "Për financat e vetëqeverisjes vendore", duke mbajtur parasysh:

1. Realizimin e të ardhurave nga kuota e anteaesisë nga gjashtë bashkitë përbërse të Qarkut.
2. Realizimin e të ardhurave nga shërbimet që ofron Këshilli i Qarkut.

Për vitin 2025 është planifikuar edhe një burim të ardhurash nga rimbursimet e shpenzimeve që janë kryer për projektet me financim të huaj të cilat janë mbyllur, por fondez nuk janë disbursuar të gjitha nga ana e donatorëve. (sqaruar si më sipër)

Ky Program Buxhetor, pasqyron parashikime të treguesve ekonomik dhe financiar, të buxhetit të njësish së qeverisjes vendore për tre vitet e ardhshme, duke ofruar vlerësime të burimeve që Qarku do të ketë në dispozicion, për të financuar shpenzimet e tij. Në shpenzimet e planifikuara, janë mbajtur parasysh shpërndarja e tyre sipas funksioneve të cilat identifikohen nëpërmjet kodit të produkteve, ku janë parashikuar shpenzimet për administratën e Këshillit të Qarkut, shpenzime për përkujdesin social, për mbështetjen për zhvillim ekonomik, për shërbimet publike vendore etj. Shpenzime për pjesëmarrje në Programet me financim të huaj janë parashikuar pasi shërbejnë si garanci për parafinancimet apo edhe pjesën e bashkëfinancimeve për projektet e reja që Qarku mund të fitojë në vitin 2025.

Këto shpenzime janë parashikuar të mbulohen pikërisht nga fondet që do të vijnë nga rimbursimet e shpenzimeve të kryera deri tani për projektet e huaja që janë mbyllur. Ky zë të ardhurash është planifikuar në buxhetin e vitit 2025 me kapitull 5. Konkretisht janë celur si rimbursime vetëm 11417 mijë lekë të cilat i janë shtuar buxhetit të Qarkut në vitin 2024. Mbi bazën e këtyre vlerësimeve institucioni ka përcaktuar tavarët e shpenzimeve të PBA-së, ku në parashikimin sipas programeve, GMS, pati parasysh:

Fushat ose sektorët që kanë nevojë më shumë për mbështetje dhe që një ndërhyrje në këto sektorë do të kishte një impakt për të gjithë rajonin në tërësi.

Në total fondi për investime kap përkatesisht rreth 54% të totalit të shpenzimeve për vitin 2025, (sic u përmend edhe më sipër vitit 2025 ka një vlerë më të madhe nga vitet 2026 dhe 2027 dhe 2028 për arsye të sipërpërmendura). Gjithashtu në vitin 2025 do të mbyllet edhe të gjitha investimet që nuk u realizuan dot në vitin 2024.

Ndërkohë % e investimeve ndaj totalit të buxhetit është 32.5 % për vitin 2026, dhe 33% për vitin 2027, dhe 34% për vitin 2028, tregues ky mjaft i rëndësishëm.

Për vitin 2026 dhe 2027 dhe 2028, përqindja që zë zëri i investimeve është më e ulët se viti 2025, për arsye që i kemi përmendur më sipër, por përsëri është e konsiderueshme. Fokusi i investimeve tanimë do të jetë kryesisht në fushën e turizmit apo hartimit të projekteve studimore që do të shërbejnë bashkive të Qarkut për ti vënë në zbatim.

Shpenzimet për personelin, parashikimi u bë në mbështetje të numrit të punonjësve të planifikuar me ligj si dhe nivelit të pagave të miratuara me VKM. Në parashikimin për shpenzime operative u mbështetëm në realizimin e shpenzimeve të viteve të kaluara dhe parashikimin e shpenzimeve administrative më të domosdoshme për funksionimin e Institucionit. Gjithashtu me ndryshimin e strukturës të buxhetit në vitin 2024, shtimi i programeve të reja (me metodologjinë e re, funksione) konsiston pikërisht në realizimin e shumë aktiviteteve me impakt rajonal që në vetvete janë shpenzime operative, duke bërë që në total ky zë të jetë më i lartë për vitet në vazhdim. Shpenzimet operative zënë 38.3% të buxhetit për vitin 2026, 38.8% për vitin 2027 dhe 38.6% për vitin 2028. Shpenzimet operative janë ritur disi krahasuar me vitin 2023 pasi vetë mënyra e re e strukturimit të buxhetit përmban më shumë zëra të shpenzimeve operative të shpërndara sipas programeve buxhetore.

Duhet theksuar se për herë të parë në vitin 2025 është bërë pjesë e buxhetit edhe parashikimi për realizimin e të ardhurave nga rimbursimet e shpenzimeve për projektet me financim të huaj të përfunduar.

Ky fond është parashikuar edhe në vitet e mëparshme, por parashikohej si limit me kapitull 2 pasi projektet ishin në proces. Duke qenë se në momentin që këto fonde arkëtohen, thesari i cel me kapitull 5 dhe ato shpërndahen sipas vendimeve të Këshillit, dhe kjo për faktin se projektet për të cilat vijnë këto fonde janë mbyllur dhe nuk kanë më aktivitete. Është kjo arsyeja që për vitin 2025 ky fond u planifikua me kapitull 5. Është parashikuar që brenda vitit 2025 do të jenë rimbursuar të gjitha shpenzimet sipas planifikimit, pra ky zë të ardhurash nuk do të jetë për vitet 2026, 2027 dhe 2028.

Ky Program buxhetor afatmesëm është i balancuar (te ardhurat = shpenzimet).

Detyrimet e prapambetura: Qarku Korçë nuk ka detyrime të prapambetura që lidhen me vendimet gjyqësore të formës të prerë. Gjendja aktuale e stokut të borxhit është 280 mijë leke të ndara si më poshtë:

- Mallra dhe shërbime 160 mijë lekë
- Te tjera 120 mijë lekë

Të gjitha detyrimet i takojnë periudhës para vitit 2015 në një kohë kur Institucioni ka kaluar vështirësi financiare, të trajtuara shumë herë në Këshillin e Qarkut. Një pjesë e mirë e këtyre detyrimeve të ngelura ka mungesë dokumentacioni dhe për këtë arsye likuidimi i tyre është i vështirë. Institucioni ka planifikuar amortizimin e borxhit brenda Programit Buxhetor Afatmesëm 2026-2028. Këshilli i Qarkut ka marrë të gjitha masat për zbatimin e këtij programi dhe mos lejimin e borxheve të krijuara rishtas.

Risqet fiskale: Risku kryesor financiar me të cilin përballlet Këshilli i Qarkut është mosrealizimi i të ardhurave të parashikuara. Të ardhurat e veta zene një pjesë të vogël të totalit të të ardhurave për vetë faktin se Këshilli i Qarkut arkëton vetëm tarifat e DAMT-së, shumë rrallë tarifa të urbanistikës dhe kontributet e Bashkive. Këto të ardhura janë në nivele të ulta realizimi pasi Bashkitë e Qarkut, edhe pse e kanë përcaktim ligjor, vazhdojnë të mos derdhin kontributet e tyre për llogari të Këshillit të Qarkut.

PBA-ja paraparak do të publikohet në faqen web të Këshillit të Qarkut www.qarkukorce.gov.al, pas miratimit në Këshill.

Anëtarët e ekipeve të menaxhimit të programeve.

Redin Latollari

Elona Mano

Marjona Bylykbashi

Flodi Mero

Mariela Alickolli

Paola Lara

Sekretar i GM-së

Oljona Beqiraj

Koordinator i GMS-së

Mimoza Shuli

KRYETARI

Erjon Nexhipi

